



ქალაქ ფოთის მუნიციპალიტეტის საკრებულო

## განკარგულება № 13/69

2021 წლის 25 ნოემბერი

### ქალაქი ფოთი

ევროკავშირის მიერ გამოყოფილი გრანტის მიღებაზე საქართველოს მთავრობის წინაშე შუამდგომლობით მიმართვისა და საქართველოში გოეთეს ინსტიტუტთან საგრანტო ხელშეკრულების გაფორმებაზე ქალაქ ფოთის მუნიციპალიტეტის მერისთვის თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-100 მუხლის მე-5 და მე-7 პუნქტების, ქალაქ ფოთის მუნიციპალიტეტის მერის 2021 წლის 22 ნოემბრის №42-422132634 წერილის შესაბამისად:

#### მუხლი 1.

ქალაქ ფოთის მუნიციპალიტეტის მერს მიეცეს საკრებულოს წინასწარი თანხმობა შუამდგომლობით მიმართოს საქართველოს მთავრობას, პროექტის „კულტურის განვითარების სტრატეგიის დოკუმენტის შემუშავება“, განსახორციელებლად, ევროკავშირის მიერ გამოყოფილი გრანტის 30 000 (ოცდაათი ათასი) ევროს მიღების მიზნით.

#### მუხლი 2.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის მერიასა და საქართველოში გოეთეს ინსტიტუტს (Goethe-Institute v.V) შორის საგრანტო ხელშეკრულების გაფორმების თაობაზე.

#### მუხლი 3.

აღნიშნული განკარგულების შესრულებასთან დაკავშირებით ქალაქ ფოთის მუნიციპალიტეტის მერს/მერის მოვალეობის შემსრულებელს მიენიჭოს ყველა უფლებამოსილება.

#### მუხლი 4.

აღნიშნული განკარგულების შესრულებასთან დაკავშირებით ქალაქ ფოთის მუნიციპალიტეტის მერმა/მერის მოვალეობის შემსრულებელმა განსახორციელოს ღონისძიებები.

#### მუხლი 5.

განკარგულება ამოქმედდეს ხელმოწერისთანავე.

#### მუხლი 6.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობის დღიდან ერთი თვის ვადაში, ფოთის საქალაქო სასამართლოში, (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

საკრებულოს თავმჯდომარის მოვალეობის  
შემსრულებელი, თავმჯდომარის მოადგილე

აკაკი დარჯანია

